

პროგრამის სახელწოდება: ჯანდაცვის მენეჯმენტის საბაკალავრო პროგრამა

პროგრამის ხელმძღვანელი - ასოცირებული პროფესორი დიმიტრი კობახიძე

პროგრამის თანახელმძღვანელი - პროფესორი გურამ ამცოლაძე

მისანიჭებელი კვალიფიკაცია: ბიზნეს ადმინისტრირების ბაკალავრი მენეჯმენტში

პროგრამის მოცულობა კრედიტებში: 240 კრედიტი

პროგრამაზე დაშვების წინაპირობა: ჯანდაცვის მენეჯმენტის საბაკალავრო პროგრამაზე სწავლის უფლება ეძლევა სრული ზოგადი განათლების დამადასტურებელი სახელმწიფო დოკუმენტის მფლობელს ან მასთან გათანაბრებულ პირს, რომელიც გაივლის ერთიან ეროვნულ გამოცდებს და მიღებული ქულების საფუძველზე მოიპოვებს სწავლის უფლებას. აგრეთვე უმაღლესი განათლების შესახებ საქართველოს კანონის 52-ე მუხლის მე-3 პუნქტით განსაზღვრულ პირობებს უნივერსიტეტის მიერ უცხო ქვეყნის მოქალაქის ქართული ენის ცოდნის კომპეტენციის დონის დასადგენად ორგანიზებული გამოცდის (რომელიც მოიცავს: მოსმენას, წაკითხული ტექსტის გააზრებასა და ანალიზს, საუბარს) შედეგად დადასტურებული ცოდნის (B1 დონე) ან ქართული ენის B1 დონის ცოდნის დამადასტურებელი დოკუმენტის წარმოდგენის საფუძველზე.

უცხო ქვეყნის მოქალაქეების ჩარიცხვა ხორციელდება საქართველოს კანონმდებლობით დადგენილი წესების შესაბამისად.

სწავლების ენა: ქართული

საგანმანათლებლო პროგრამის მიზანია:

- ბიზნესის ადმინისტრირების ბაკალავრის აკადემიური ხარისხის მქონე კონკურენტუნარიანი სპეციალისტების მომზადება.
- ბიზნესის პოლიტიკის და სტრატეგიის თეორიული ცოდნის შეძენა, სამეწარმეო საქმიანობას წარმართვა, ინოვაციური მენეჯმენტის გამოყენებით, მოქმედი შიდა და გარე ფაქტორების იდენტიფიცირება და გაანალიზება. კურსდამთავრებულების კვალიფიკაცია აკმაყოფილებს, როგორც ადგილობრივ, ასევე საერთაშორისო შრომის ბაზრების მზარდ მოთხოვნებს.
- ბიზნესის გარემოს რესურსების და ოპერაციების მართვა, ადამიანური რესურსების მართვა, ბიზნესის გარემოს ღრმა ანალიზი.
- ლოკალური და საერთაშორისო ბაზრის ტიპების ცოდნა, ფინანსური რესურსების მენეჯმენტი, მათი ანალიზი, შეფასება, აუდიტი. მარკეტინგული გარემოს შეფასება და სტრატეგიები, თანამედროვე საინფორმაციო საკომუნიკაციო ტექნოლოგიების გამოყენება.
- ბიზნესის ეთიკის და სოციალური პასუხისმგებლობის გათვალისწინებით საზოგადოების განვითარებაში მონაწილეობის მიღება.
- კურსდამთავრებულს გამოუმუშავოს დამოუკიდებელი გადაწყვეტილებების მიღებისა და სამომავლო განვითარებისა და განათლების დაგეგმვა-განხორციელების კომპეტენცია.

სწავლის შედეგები:

ცოდნა გაცნობიერება

1. განიხილავს ბიზნესის მართვისა და მენეჯმენტის თანამედროვე თეორიებს, კონცეფციებსა და ორგანიზაციულ გარემოზე მოქმედ ფაქტორებს;
2. განსაზღვრავს მიმდინარე ეკონომიკურ მოვლენებს ორგანიზაციის ფუნქციონალურ გარემოში, და განიხილავს მათ დინამიკას;

3. ანალიზებს ორგანიზაციის საქმიანობასა და მასზე მოქმედ შიდა და გარე ფაქტორებს. რაოდენობრივი და თვისებრივი მეთოდების გამოყენებით შეიმუშავებს ბიზნესის სამოქმედო სფეროებთან დაკავშირებული გამოწვევების გადაჭრის გზებს.

უნარი

1. იყენებს თანამედროვე ინფორმაციულ და საკომუნიკაციო ტექნოლოგიებს, ორგანიზაციის ლოჯისტიკური საჭიროებებისა და რესურსების მართვის პროცესში;
2. აფასებს ბიზნესის ადმინისტრირებისათვის დამახასიათებელ რისკებს, წარმართავს და პრაქტიკაში იყენებს მათი გადაჭრის გზებს;
3. უზრუნველყოფს გუნდთან კოლაბორაციას, ლიდერობისა და თანამშრომლობის პრინციპების გათვალისწინებით;
4. საუბრობს ქართულ და უცხო ენებზე ადგილობრივი თუ საერთაშორისო კომუნიკაციების სრულფასოვნად წარსამართად;
5. შეიმუშავებს და განახორციელებს ბიზნესის ადმინისტრირების სფეროში კვლევითი თუ პრაქტიკული ხასიათის პროექტებს და წარადგენს შესაბამისი ფორმებითა და საინფორმაციო, საკომუნიკაციო ტექნოლოგიებით.

პასუხისმგებლობა და ავტონომიურობა

6. ასრულებს მენეჯერულ მოვალეობებს საკუთარი კომპეტენციის ფარგლებში, ორგანიზაციის სოციალური პასუხისმგებლობისა და ბიზნეს ეთიკის პრინციპების გათვალისწინებით;
7. აფასებს პერსონალური პროფესიული განვითარების შესაძლებლობებს და შეიმუშავებს სამოქმედო გეგმას შემდგომში საკუთარი სწავლის დამოუკიდებლად წარმართვისათვის.

პროგრამის სტრუქტურა.

საბაკალავრო საგანმანათლებლო პროგრამა არის 4-წლიანი. სწავლება მოიცავს 240 კრედიტს; სემესტრი 30 კრედიტი; წელიწადში 60 კრედიტი.

სპეციალობის სავალდებულო სასწავლო კურსები: 176 კრედიტი (მათ შორის წინასააღიპლომო პრაქტიკა სპეციალობაში - 14 კრ.; საბაკალავრო ნაშრომი - 16 კრ.).

სპეციალობის ზოგადი სავალდებულო სასწავლო კურსები: 45 კრედიტი

სპეციალობის სავალდებულო არჩევითი სასწავლო კურსები: 11 კრედიტი

სავალდებულო არჩევითი თავისუფალი სასწავლო კურსები: 8 კრედიტი

1 კრედიტი = 25 აკადემიური საათი.

ერთი აკადემიური წელი: 42 კვირა.

სემესტრის ხანგრძლივობა: 19 კვირა

(მათ შორის: სასწავლო -15; სასესიო -4; დამატებითი გამოცდები -2).

სტუდენტის ცოდნის შეფასების სისტემა.

ჯანდაცვის მენეჯმენტის საბაკალავრო პროგრამის სტუდენტთა ცოდნის შეფასებისას შპს უნივერსიტეტი გეომედი ხელმძღვანელობს კრედიტების ტრანსფერისა და დაგროვების ევროპული (ECTS) სისტემით; „უმაღლესი განათლების შესახებ“ საქართველოს კანონით და საქართველოს განათლებისა და მეცნიერების მინისტრის 2007 წლის 5 იანვრის N3 ბრძანებით დამტკიცებული „უმაღლესი საგანმანათლებლო პროგრამების კრედიტების გაანგარიშების წესით“ განსაზღვრული შეფასების სისტემით, რომელიც გულისხმობს:

ა) ხუთი სახის დადებით შეფასებას:

ა.ა) (A) ფრიადი – 91 –100ქულა;

ა.ბ) (B) ძალიან კარგი – 81-90 ქულა;

ა.გ) (C) კარგი – 71-80 ქულა;

ა.დ) (D) დამაკმაყოფილებელი – 61-70ქულა;

ა.ე) (E) საკმარისი – 51-60 ქულა.

ბ) ორი სახის უარყოფით შეფასებას:

ბ.ა) (FX) ვერ ჩააბარა– 41-50ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება.

ბ.ბ) (F) ჩაიჭრა – 40ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას სასწავლო კურსი/ საგანი ახლიდან აქვს შესასწავლი.

სტუდენტთა ცოდნის შეფასება ხდება 100-ქულიანი სისტემით:

სემესტრული შეფასება ითვალისწინებს ორ კომპონენტს - შუალედური და დასკვნითი შეფასება. თითოეულ კომპონენტს თავისი პროცენტული წილი აქვს შეფასების საერთო სისტემაში, რომელსაც თავად განსაზღვრავს პედაგოგი (1)70/30 ან (2) 60/40), რაც იმას ნიშნავს რომ პირველ შემთხვევაში შუალედური შეფასება მოიცავს შეფასების 70%, ხოლო დასკვნითი შეფასება 30%, მეორე შემთხვევაში, შუალედურ შეფასებას ეთმობა 60%, ხოლო დასკვნითს 40%.

შუალედური შეფასება დაყოფილია კომპონენტებად (შუალედური გამოცდა, აქტიურობა სემინარზე/პრაქტიკულზე, პრეზენტაცია, ქვიზი, სიტუაციური ამოცანები, ესსე, და ა.შ) ამ კომპონენტების შეფასების პროცენტულ მაჩვენებელს საგნის პედაგოგი საზღვრავს თავად გარდა შუალედური გამოცდისა, რომელიც წარმოადგენს შუალედური შეფასების აუცილებელ კომპონენტს და მისი პროცენტული მაჩვენებელი (1)70/30- შემთხვევაში უნდა იყოს 30 ქულა, ხოლო (2) 60/40- შემთხვევაში 20 ქულა.

შუალედური შეფასების მინიმალური კომპეტენციის ზღვარი, რომელიც აუცილებელი წინაპირობაა დასკვნითი გამოცდაზე გასვლის არის შუალედური შეფასების მინიმუმ 50%.

დასკვნითი გამოცდა, დასკვნითი შეფასების აუცილებელი პირობაა. დასკვნითი შეფასების გადალახვის მინიმალური კომპეტენციის ზღვარი 50%+1-ია, თუ სტუდენტის ქულა 41-50 ქულამდე მერყეობს, მას ეძლევა დამატებით გამოცდაზე ერთხელ გასვლის უფლება, ხოლო თუ სტუდენტის ქულა ნაკლებია 41-ზე, სტუდენტს სასწავლო კურსი/საგანი ახლიდან აქვს შესასწავლი. იმ შემთხვევაში თუ სტუდენტის შუალედური შეფასება ტოლია ან მეტია 51 ქულის, სტუდენტი ვალდებულია დასკვნით შეფასებაში გადალახოს მინიმალური კომპეტენციის ზღვარი.

სტუდენტს უფლება აქვს დამატებით გამოცდაზე გავიდეს იმავე სემესტრში, დასკვნითი გამოცდის შედეგების გამოცხადებიდან არანაკლებ 5 დღეში.

საბაკალავრო ნაშრომის საჯარო დაცვის მინიმალური კომპეტენციის ზღვარი განისაზღვრება 51 ქულით.

საბაკალავრო ნაშრომი სტუდენტს შესრულებულად ჩათვლება, თუ შეფასებისას დააგროვებს 51 და მეტ ქულას.

საბაკალავრო ნაშრომის 41-50 ქულით შეფასების შემთხვევაში სტუდენტს ეძლევა დამატებით საბაკალავრო ნაშრომის საჯარო დაცვაზე ერთხელ გასვლის უფლება იმავე სემესტრში. საბაკალავრო ნაშრომის საჯარო დაცვასა და დამატებით დაცვას შორის შუალედი უნდა იყოს არა ნაკლებ 5 დღისა.

საბაკალავრო ნაშრომის 0-40 ქულით შეფასების შემთხვევაში სტუდენტს ენიჭება უფლება შეარჩიოს ახალი თემა და ხელმძღვანელი და საბაკალავრო ნაშრომი დაიცვას კომისიის წინაშე შემდეგ სასწავლო წელს.

დასაქმების სფერო

საბაკალავრო პროგრამის კურსდამთავრებულს შეუძლია დასაქმებდეს მენეჯერად, როგორც სახელმწიფო, ასევე კერძო სექტორის სხვადასხვა პროფილის ორგანიზაციებში. ბიზნეს ადმინისტრირების მიმართლებით დაიკავოს სპეციალისტის ქვედა ან საშუალო რგოლის მენეჯერის პოზიცია და საკუთარი კომპეტენციის ფარგლებში პრაქტიკულად განახორციელოს შესაბამისი პროფესიული ფუნქციები.

